

دار الفنون

حقوق فائز و لیترا مجبور

مقوق ، اقتصادیات

ایکی آیمه بر نشر الرنور

مندرجات

قسم حقوق :

تشکیلات اساسیه قانونه منافی احکامی احتوا ایدن قوانین حقنده قضائی مراقبه مسئله سی مدحت
یکی تورکیا حقوق مدنی سی تدقیقاتنه مدخل صاوزه رهال (مترجلری) دانش سعید ، صدیق سامی
مدنی وجیهه لرده اخلاق قاعده سی عبدالحق کمال

قسم اقتصادری :

استقراض و دیون عمومیه عینی زاده حسن تحسین

تشکیلات اساسیه قانونه منافی احکامی احتوا ایدن قوانین حقننده

قضائی مراقبه مسئله سی

دور اخیر حقوق عامه سنک اساسی بر فارقه سی ده قانونیت فکریه کیت کیده دهبا
فضله بر ساحة تطبیق تأمین ایتسیدر . بر قانونک محافظه احکامی آنجق بر مؤیده به
مالکیتله قابل اولابله جکته شبهه یوقدر . بو قاعده ، حقوقک باشلیجه بر پرنسی اولمقله
برابر اکثر مملکتلرده قانون اساسیلر ، قدرت عامه بی pouvoir public تفریق و هر بر عضو
دولتک وظیفه و صلاحیتلرینه بر حد تعین ایتمکله برابر تشکیلات آلتنه آلتش بر مؤیده لری
اولدیغی کوربووز .

تشکیلات اساسیه قانونه مغایر قانونلرک حکام طرفندن بر مراقبه قضائیه تابع
طوتیلاجی فکری فرانسه ده اخیراً قوتلی بر جریان آلتش اولوب موسیو دوکی
به رته ای و هوریوکی یوکسک بر نفوذ علمی به مالک اولان طرفدارلری واردر . بو تلقی
اخیراً بزم حقوق فاکولته سی تدریساتنده ده بر طوتدیغی جهته [۱] اهمیتی غیر منکر اولان
بو علمی نقطه نظرک ماهیتی نه اولدیغی فرانسه ده و بالخاصه بو قضائی مراقبه نک وطنی اولان
شمالی آمریکا جهایر متحده سنده نه درجه ده بر جای تطبیق بولدیغی مطالعه ایتدکن
صوکر ا بزه قابلیت تطبیقیه سی اولوب اولدیغی تدقیق ایده جکز :

بر قانونک تشکیلات اساسیه قانونه مغایرت نقطه نظرندن قضائی مراقبه سی ، رژیم
rigide یعنی تشکیلات اساسیه قانونی قوانین عادیه فوقنده طوتارق تعدیاتی بر طاقم اشکال
و مراسم مخصوصه به تبعاً یاپان مملکتلرده موضوع بحث اوله بیله جکی معلومدر .

انگلز و ایتالیا کی تشکیلات اساسیه قانونک تعدیلنده فرق کوزه تمین یعنی پارلمانک
صلاحیت تشریعه سنک مقید اولدیغی برلرده انفالذ کر شکلده بر قضائی مراقبه مسئله سنک
درمیان اوانه مایه جی آشکاردر رژیم اولان شمالی آمریکا جهایر متحده سی فده دال
تشکیلات اساسیه قانونیه بو اتحاد داخل اولان مملکتلرک تشکیلات اساسیه قانونلری
صلاحیت عامه نک تفریقنده تام بر ایش بولومی یاپارق تکمیل قانونلری حکامک قضائی

[۱] فاضل رفیقلم موسیو قروزات و مصلح الدین عادل بک افندی عینی اجتهدده درلر .

مراقبه سینه ترك ايتشلردر مثلا حكام بر مأمور عليه تجاوزه صلاحيت ويا بر قانونك قانون اساسی به مغاير احكامی احتوا ايتمی نقطه نظرندن درمیان اولونان دفع دعوا اوزرينه بر قرار اتخاذه مجبوردرلر . آمريقا حكامی بصلاحيت قضائيه بی ، شمالی آمريقا دها بر انکلیز مستملکسی ايکن حائر ايدیلر . انکلتزه قراللری شمالی آمريقا ایچون اصدار ايتدکاری فرمانلرده بصلاحیتی صراحة حاکمینه ویرمشلردی بالاخره آمريقا استقلالی تأمین ایدوبده اتحاد داخل اولان مملکتلرجه تشکيلات اساسیه قانونلری تنظیم اولونجه حاکمک بصلاحيت قضائیه لری قانون اساسیله درج ایدلدی فده رال محکمه بصلاحیتی (۱۸۰۳) تاریخده مارشال Marshall (chief justice) ك نقطه نظرینك غلبه سیله آلدی . [۱] قانونلرك تشکيلات اساسیه قانونه مغايرت نقطه نظرندن مراقبه سی ، یا رأساً

Par voie d'action ویاخود دفع طریقله Par voie d'exception تحریک اولنه بیلیر . رأساً مراقبه اصولك تطبیقاتی محدوددر بوسیستمی مکسیقا ، ونه زوئلا ، اسویچره و آوستریا تشکيلات اساسیه قانونلرنده بولیورز چك اسلوقیا تشکيلات اساسیه قانونی حکامه یالکزن نظامنامه لرك تشکيلات اساسیه قانونی حکامه موافق اولوب اولمیدیغی ، تدقیق ایله بوبابده قرار ویرمک صلاحیتی ویرمشدر قانون ایچون یالکزن علی الاصول اصدار اولونوب اولونماق نقطه نظرندن مراقبه سی طایمشدر .

دفع دعوا طریقله قضائی مراقبه تطبیقاتی دها واسعدر .

شمالی امریقا جاهییر متحده سی بو خصوصده قلاسیك بر مملکتدر . اوراده کی تجربیه نك ویردیکی نتایج بزی مسئله حقنده خیلیدن خیلی به تنویر ایده جکدر .

بو حقوق مؤسسه سی تشکيلات اساسیه قانونی احکامنه بر مؤیده تأمین ایتمی اعتباریله جاذب ایسه ده تطبیقاده اویله نتیجه لر ویرمشدر که آمریقادا بیله علیه قوتلی بر جریان حصوله کتیرمشدر . بونده شو مهم محذورلر واردر :

(۱) حاکمک بویله بر صلاحیتی حائر اولسی وضع اولونان قانونلرك مرعیت احکامی حقنده هر کسی شهیه الفسا ایدر سزجه بر قانونله معین اولان صریح برحق ، حاکمک صلاحیت تقدیریه سی قارشونده یارین یوق اوله بیلیر .

[۱] بر طاقم آمريقا تشکيلات اساسیه قانونلری شمالی آمريقاتی تقلید ايتدیله . مکسیقا تشکيلات اساسیه قانونی ؛ ۱۰۱ نجی ماده ارزاتین قانون اساسی ۱۸۶۰ ؛ ماده ۱۰۱ حاکمینه بصلاحیتی ویردیله .

(۲) دهافنا بر محدودده بو صلاحیتک حاکمک حقوقی ساحه دن پوتلیک ساحه یه انتقالنه بادی اولمسی در .

(۳) حکامک بویه بر صلاحیتی حائز اولمسی چوق دفعه اجتماعی ترقیاته انکل اولور .
نته کیم سوسیالیست تلقیاتک انکشافدن سوکرا ۱۸۸۳-۱۸۸۸ سنه لری آره سنده محکمه لرده
ایش قانونلری دولایسیله بو درلودفعلر درمیان اولونمش و قلاسیک فردجی بر ذهنیتله مشبوع
اولان حکام مذکور قانونلری افرادک حقوق عمومی سینه منافی بناء علیه تشکیلات اساسیه
قانوننه مغایر کوردکلرندن دولایی تطبیق ایتمه مشلدر .

(۴) آمریقاده حکامک بو صلاحیتی حائز اولمسی - اکثر حکامک انتخابی اولملری
دولایسیله - توزیع عدالت نقطه نظرندن عظیم بر تهلکه تشکیل ایتدیکی کورولمشدر .
انتخابنده سرمایه بویوک رول اوینار . بناء علیه سرمایه دارانک مظاهریله موقعه کچن بر
حاکم طبیعیه مظاهریلرینک نفوذی آلتنده بولونور . (شایان دقت بر مثال : اوره غون
oregon واضع قانونی بیاض قادین تجارتی منع ایدن بر قانون وضع ایتدی . بو قانون
غازینو و بار صاحبی اولان ارباب سرمایه نک منافعه نخل بولونیوردی . اویله حاکم
بولوندی که قانونک عنوانی نقصاندر عنوان شویله اولملی ایدی بویه اولمی ایدی رأینده
بولنه رق و بو نقطه دن تشکیلات اساسیه قانوننه مخالفت حقنده کی صلاحیت تقدیریه لرینی
سو استعمال ایله قانونی تطبیقندن امتناع ایتمشدر .)

افکار عمومی بی متاثر ایدن بودرلو حکملردن دولاییدر که اوره غونده داخل اولدینی
حالده آمریقاده اکثر ملکیتلر بونک چاره سی حکامک مقرراتنک هیئت منتخبه نک
مراقبه سینه تابع طوتولمسند یعی آرای عمومی یه مراجعتده بولدیلر . (Recall) بناء علیه
تشکیلات اساسیه قانوننه مغایردر دی یه تطبیق اولونمایان قانون حقنده آرای عمومی یه
مراجعت اولوندینی تقدیرده مخالف رأی اکثریت قازانیرسه حاکم قانونی تطبیق ایله
مکلف طوتولور . بو صورتله قضائی مراقبه منتخبلر هیئته انتقال ایتمش اولیور [۱] .

*
*

[۱] شمالی آمریقاده جمهیر متحده سنده تطبیق اولونان دفعه دعا صورته مراقبه اصولنک بعض
ملکیتلرک موضوعات قانونیه لرینه کیردیکنی کوریورز : آرژانتین تشکیلات اساسیه قانونی ۱۸۶۰ : ماده ۱۰۰

شمدی به قدر تدقیقاتی بالخاصه شمالی امریقا جاهی متحده سی تجربه سته ابتدا ایتشدر .
 بو علمی مسئله نك اكثر موضوعات قانونیه مزك مصدری اولان و بزم کبی بر نهج اداری به
 مالك بولونان فرانسه ده نه شکل ارائه ایتدیکنك ده تدقیقی خاصه مه مدهر . اختلال رحالندن
 سیه به س تشکیلات اساسیه قانوننك محافظه سی احکامی ایچون بر ژوری تشکیلی
 فکری مدافعه ایدیوردی . حد ذاتنده قضائی بر ماهق حائر اولان بر مراقبه نك
 سیاسی بر هیئته حواله سته منجر اولان بو حرکت نتیجه سنده ایمپراطورلق اداره لری
 تشکیلات اساسیه قانونلرنده بو صلاحیتك سنایه ویرلدیکنی کوریورز . فقط سه نانك
 یونا پاراطر نفوذی قارشوسنده بو خصوصده جدی بر تأمینات تشکیل ایتسی شویله
 دورسون عکسی نتیجه ویردی .

تشکیلات اساسیه قانوننه مغایرت جهندن قانونلرک مراقبه سته دائر فرانسه موضوعات
 قانونیه لرنده صلاحیت ویرن بر حکم قانونی به تصادف اولته مادینی کبی دفع دعوا طریقله
 مراقبه قضائیه دائره شمدی به قدر تأسس ایتش بر تعامل یوقدر [*] .
 فرانسه ده تعامل اولسون دفع دعوا طریقله بو خصوصده قضائی مراقبه نك تأسس
 ایدمه مسنی لارنود و بارتلمی کبی فرانسر ارباب حقوقی شوسیه عطف ایدیورلر : پارلمانك
 صلاحیتی بر هیئت حاکمه Corps souverain ایتش کبی تطبیق ایتسی ... فرانسر تشکیلات اساسیه
 قانونلرنده تفریق قوا موجود اولدینی زمانلرده ده پارلمان هیچ بروقت کندیسی اجرا وقضا
 عضولریله عینی سوبه ده بر عضو دولت عد ایتمه مشدر . فرانسه حقوق اساسیه حرکتنده
 قوه مؤسسان وقوه تشریعیه یی حائر مجالسک تکرر تشکیلی تشکیلات اساسیه قانونلری
 وضع اولندقدن صوکرالی ایدن مجالس تشریعیه ده اولنرک معقبی اولق حسنی ویرمش
 و بناء علیه پارلمانلرک دائما کندیلمی رئیس دولت وحکام فوقنده کورملرینی انتساج
 ایتشدر . بو حالت روحیه قارشوسنده قانونلرک قانون اساسی به مغایرتی نقطه نظرندن قضائی
 بر مراقبه تأسس ایدمه مدی وحکامک قوه تشریعیه قارسی چکنکن لکی زمانمره قدر دوام
 ایتشدر .

برزیلیا : ۱۸۹۱ ماده ۶۰ : وانکتره دومینونلری ؛ آوسترایا قناده جنوبی افریقا مملکتلرنک
 تشکیلات اساسیه قانونلری .. رومانی صوک قانون اساسی تعدیلنده بصلاحیتی ؛ محکمه تمیز هیئت عمومیه سته
 ویرمشدر (ماده ۱۰۳)

: l'inconstitutionnalité des Lois et le droit public français : Revue p. etp [*]

parlementaire : 10-2-25. Larnaud

تان غزنه سټك قارئلرنجه معلومدر . ۱۹۱۴ قانونك بر انككت پارلمانته ره قضائی واجرائی صلاحیت ویرمسی اعتباریله تشکیلات اساسیه قانونه مغایرتی ادعا اولونمشدی . موسیو راتییه M. Ratier دعواسی دییه حقوق اساسیه ده بر مثال تشکیل ایده جك اولان حادثه ده موسی الیه ده موقراتیک ره پوبلیکن فرقه سنك رئیس صفتیله انتخابانه تخصیص اولونان بر پاره نك صورت صرفی مسئله سندن دولایی خصمای سیاسیه سی طرفدن فرقه سرینك افشاسی ماده سندن طولایی ظن آلتنده بولونیوردی . انككت پارلمانته ر قومیسیونی حضورنده انكار و تکلیف ایدیلن یمنه قارشی ادای یمنیدن استنکافی اوزرینه مدعی عمومیلکجه بدایت جزا محکمه سنده محکومیتی طلب اولوندی . مدعی عمومینك طلبک قارشی موسی الیهك وکیلی مه تر ره ینو ۱۹۱۴ قانونك ، انككت پارلمانته ر قومیسیونه یمن تکلیفی کبی قضائی بر صلاحیتی ویرمسی دولایسیله تشکیلات اساسیه قانونه مغایرتی ادعا ایتدی ایسه ده درمیان ایتدیکی دفع محکمه جه نظر اعتباره آلمیارق موکلی محکوم ایدلدی . بو حادثه محاکمک تشکیلات اساسیه به مغایرت نقطه نظرندن قوانینی مراقبه لری مسئله سی علواندیردی وحق تان غزنه سی بو خصوصه ده بر انككت آجدی (۱۵ نشرین ثانی ۱۹۲۵) دوکی و بهرته ملی نك اطرافنده طولانان بر قاعته کوره حکام تشکیلات اساسیه به مغایرت نقطه نظرندن قضائی بر مراقبه یا یمنه صلاحیت داردرلر . استناد ایتدکلری دلیللر شونلر در : (۱) محکمه افرادك حقوقك حارثی در . محکمه قانونه مخالف اولان بر نظامنامه یی قانونه مخالفدر دییه تطبیق ایتیه بیلر ؛ پونکله قوه اجرانیه نك افعالی اوزرینه قضائی بر مراقبه تسلیم ایدلمشدر اوحالده ایکی قانون تعارض ایتدیکی وقت نه دن حکامدها قوتلی بر قانونه (تشکیلات اساسیه قانونی) عمل ایدوبده ایکنجی درجه ده اولان قانونی تطبیقندن استنکاف ایتک صلاحیتی حائز اولماسون ؟

لارنوده اسمن ، بارتلمی تاله رکبی بر جوق اسانده ده مخالف قناعتده درلر [۱] . فرانسر حقوق موضوعه سنده قانون اساسی به مغایرت نقطه نظرندن قضائی بر مراقبه به تصادف اولنه مدینی کبی آلف الذکر اسبابدن طولایی تعاملی صورتدهده بو اساس بر جای تطبیق بوله مامشدر دیورلر ؛ حق ولو دفع دعوی طریقیه اولسون مارالذکر خصوصه قضائی بر مراقبه فرانسه ده قبول اولونسه بيله پارلمانك صلاحیت تشریعیه سی استعمالده وقوع بوله جق بر تجاوز قارشی جدی بر تأمینات اوله مایه جفته قائلدرلر .

(1) Louis Blanc, Boutmy, Charles Benoist, La Ferrière

پارلمان اعضا شدن و فرانسه نك معروف بر حقوق عالمی پارس حقوق فاكولته سی
حقوق عامه پروفیسوری موسیو بارتهلمی اخیراً موسیو دوئه ز ایله نشر ایتدیکی حقوق
اساسیه کتابنده شویله دیور .

Le pouvoir judiciaire n'a pas dans notre pay le prestige nécessaire pour
entreprendre la Censure du parlement, fut - ce sur le simple terrain de la
légalité (Droit. Con'el, p, 222)

ترجمه سی : بزم مملکت مزده قوه عدلیه پارلمانی سانسوره ایدیه بیله جك نفوذ لازمی
حائز دکلدر ولوکه بسط اولان قانونیت ساحه سنده اولسه دخی ..
پروفیسور لارنودده آنف الذ کر مقاله سنده عینی نقطه نظری مدافعه ایله دوات
عضولرینك صلاحیتلرینی تجاوز خصوصنده جدی برتأمینات اولمق اوزره مجالس تشریع نك
طرز ترکیلرینك و نظامنامه داخلیرینك اصلاحی و نهایت آرای عمومیه به مراجعت اصوللرینی
توصیه ایدیور -

قانونلر ك تشکیلات اساسیه به مغایرت نقطه نظرندن قضائی مراقبه سی خصوصنده
ذکری کچن مطالعات و تجارتك تدقیقندن صوکره بزم تشکیلات اساسیه قانوننه نظراً حکامك
بویله بر صلاحیتی اولوب اولمایه جفتی تدقیق ایدهل :

پارس حقوق فاكولته سی پروفیسور لرندن موسیو آشیل مه سترك اخیراً نشر اولونان
مترجم بر مقاله سنده (حقوق بیلکیلر مجموعه سی ، نومرو ۱ ، ایلول ۹۲۶) تشکیلات
اساسیه قانونمرك ۱۰۳ نجی ماده سی حکمنجه تورك حکامك تشکیلات اساسیه به مغایرت
نقطه نظرندن قانونلری مراقبه ایدیه بیله جکلرینی سر داید رکن شو مطالعه بی در میان ایدیور .
« تورك تشکیلات اساسیه قانوننك ۱۰۳ نجی ماده سی شویله دیور : تشکیلات اساسیه
قانوننك هیچ بر ماده سی هیچ بر سبب ، بهانه ایله اهل ویا تعطیل اولنه ماز .

هیچ بر قانون تشکیلات اساسیه قانوننه منافی اوله ماز ، آنجق تورك قانون اساسی سی
دخی فرانسه نك کی کبی ، تطبیق آنده ، اشو تدبیرك حصولی تأمین ایدیه جك وسائطك نه دن
عبارت بولندیفی خصوصنده سکوت ایتکده اولدیغندن فرانسز حقوقنه نظراً قانون
اساسینك حائز اولدیفی فائیت قانونیه بی نه صورتله تأمین ایتك لازم کلدیکی مسئله سی

نصل فرانسز حقوقشناسائی اشغال ایدن بر مسئله ایسه عینی مشکلاته معروض اولملری محتمل اولان تورکیه ارباب حقوقی ایچونده بو مسئلهیی شایان دقت بر موضوع ماهیتنده کوردیکی بیان ایتدکن صوکره مقاله سنک صوکنده شو توصیهده بولونیور : تورک ارباب حقوقی تورک تشکیلات اساسیه قانوننک ۱۰۳ نجی ماده سنی تفسیر ایده جکلری صروده قانون اساسییه مغایر بر قانونی محاکمک تطبیق ایتمه ملری لازم کلدیکی برنسیقی قبوله متمایل ایسه لر بو بایده فرانسه دن کلن امثالک دعوت ایده بیله جکی اعتراضاته حواله سمع اعتبار ایتمه ملیدرلر .

کورولیور که موسیو ماستر تشکیلات اساسیه قانوننک منافی قانونلرک قضائی بر مراقبهیه تابع طوتولماسنه متوجه بر توصیهده بولونمقله برابر مملکتیمزک تعاملات و ذهنیت حقوقیه سنه لایققله واقف اولامدینی جهتله مسئله نک تقدیری تورک ارباب حقوقه بر اقمشدر . قناعتمزجه تشکیلات اساسیه قانونمزک نه متن ونه ده معناسنده قوه سسه صلاحیتیی حائر بولونان بویوک ملت مجلسنک حکامزده بویله بر صلاحیت ویرمهک قصد ایتدیکنه دلالت ایده جک بر فقرهیه تصادف ایتمیورز .

۱۰۳ نجی ماده ده مندرج حکم ده کی خطاب — دولت عضولرینک صلاحیت عامهیی موقع تطبیقه قویارکن تشکیلات اساسیه قانوننه منافی احکام وضع ایده جک قانونلری یایمقدن توقی ایتملری خصوصنده — بر اخطارددر . بو اخطار الیوم تربیوی بر قیمتی حائر اولوب ماهیت تطبیقیهیی حائر دکلدر .

(۱) چونکه بر قوه مؤسسه تشکیلات اساسیه قانوننده لاجل التطبيق بر حکم درج ایدنجه عقبنده « بونک صور تطبیقیهیی بر قانون مخصوصله تعیین اولنه جقدر » کی بر فقره درج ایدر . ۱۰۳ نجی ماده ده ایسه بو جهت سکوت عنه یکمشددر .

(۲) تشکیلات اساسیه قانونمزک صلاحیت عامهیی طرز تفریق وتوزیعی ده نقطه نظر منی مؤیددر . دولتک بوتون نفوذ و قدرتنک بویوک ملت مجلسنک سینده سنده مندرج اولسی تورک انقلابنک باشلیجه شعاریدر ؛ (تشکیلات اساسیه قانونی ماده : ۴) صوکره بالجله قوانینک تفسیری ده بویوک ملت مجلسنک جمله صلاحیتلرنددر . (ماده : ۲۶) بناء علیه ۱۰۳ نجی ماده دلالتله تشکیلات اساسیه قانونمزک تورک حاکمی بویوک ملت مجلسنک مراقبی یایدینی ذهانبه واریله مایه جنی بدیهیدر .

(۳) بزده نظامنامه لک قوانینه مغایرتی ادعا اولند قدیمه بیله بونک مرجع حلی تورکیه

بیوک ملت مجلسیدر (تشکیلات اساسیه قانون ماده : ۵۲)

دیگر برجهت قالیور حکامه بوصلاحیتی وبرمایمی، وبرمه ملیمی؟ یوقاریده کورولدیکی وجهله دور اخیر حقوق عامه مفهوملمر منک وطنی اولان فرانسه ده بیله بر چوق اساتذده حقوق فرانسه حاکمک بویه بر صلاحیتی استعمالده یک ضعیف برعضو اوله جغفی درمیان اییدیورلر .

قانونلرک تشکیلات اساسیه قانونه مغایرت نقطه نظرندن قضائی مراقبه سی صلاحیتی فرانسز حکامی ایچون استعمالی وسع وطاققلری خارجنده بر سلاح تلقی اولونورسه بر ملک تاریخ تکاملنه نظراً یک قیصه بر زمان اول مطلقیت اداره نهچندن چیقمش ومثبت حقوق عامه برنسیلیرینک یکی دینیهلرک بر زمانده تدریسنه باشلانیدینی مملکتیزده حکامزده بویه بر صلاحیتک وبرلسی ایجاب مصلحته نه درج، موافق اولور !

صوکره ؛ آنف لذکر قضائی مراقبه بعضاً ظن اولوندینی کبی قانونی حادثاته تطبیقندن عبارت بسیط ته قییک بر ایش دکلدر . مذکور صلاحیتک مفید بر صورتده استعمالی حقوقی واجتماعی درین بر وقوفه ، اوزون تجربهیه ونهایت حکامک استقلالیت رایلر بیله عامهجه بیوک بر نفوذه مالکیتلرینه وابسته در .

برمملکتک حکامی بوشرائطی جامع اولسهر بیله ، تشکیلات اساسیه قانونه مغایرت نقطه نظرندن قضائی مراقبه صلاحیتک کندیلرینه طائمه ضروره حاکمک طبیعی رولندن چیقوب سیاسته قاریشمسی انتاج ایدرکه قناعتجه ده موقراسی نهچنده ، تجربه لرینه یکی باشلایان مملکتیزده بوندن مهلک بر مؤسسه اوله ماز .

واقعا مسئله صرف حقوقاً دوشونولونجه تشکیلات اساسیه قانونه منافی احکامی احتوا ایدن قانونلر ایچون تشکیلات آلتنه آلتش بر مؤیده اولمیدر . فقط بو بسیط حقوق قاعده سنک حقوق اساسیه ده تطبیقآننده کی مشکلاتدرکه ارباب حقوق دوشوندور مکده در .

ایمدی سویلدی کمز اسباب وملاحظاته بناء بو مهم بر صلاحیت حکامه ویر یله مه نیجه مستقل بر دیوان ، تشکیلی ویا معدل رومانیا تشکیلات اساسیه قانوننده اولدینی کبی محکمه تمیزک هیئت عمومیه سنه ویرمک شکلری وارد خاطر اولور . انجق تاریخی تجارب کوستریورکه حقوق اساسیه احکامک حارثی اولق اوزره تشکیلی ایدی لان مستقل دیوانلر بو وظیفه لرینی ایفاده بر نفوذ وقدرت کوستره مدیلر نته کیم بزم ۹۳ قانون اساسنک اعیان

مجلسنه بوخصوصده ویریلان حق مراقبه دن هیچ بر فائده حاصل اولاماشدر بوکا قیاساً
رومانیا تجربه سنک قطعی بر ثمره ویره جکی شبهه لی کوردولور .

بناءً علیه مملکت مزك شرائط حاضره سنه کوره ؛ یایلاجق قانون لایحه لرینک شورای
دولتدن کچراسنه وقوانینک مجلسده ایکی دفعه مذاکره اصوله صبقی بر صورتده رعایت ،
یکی شورای دولت قانوننک تجاوز صلاحیت قارشوسنده قبول ایتدیکی قضائی مراقبه اساسیه
تشکیلات اساسیه قانوننک محافظه احکامی ایچون شیمدیلک کافی برر تأمینات اولور .
حقوق اساسیه معلمی

مرحمت

